

## اتوار 22 مارچ، 2026

### مضمون۔ مادا

سنہری متن: یر میاہ 31 باب 14 آیت

”تے میرے لوکی میریاں نعمتاں نال رجھن گے خداوند آکھدا اے۔“

جوابی پڑھائی: زبور 37 باب 16 توں 19، 23، 25، 29، 28 آیتاں

- 16- صادق داتھوڑا جیہا مال بوہت سارے شریراں دی دولت توں چنگا اے۔
- 17- کیوں جے شریراں دیاں بانہواں توڑیاں جان گیاں پر خداوند صادق توں سنبھالدا اے۔
- 18- کامل لوکاں دے دناں نوں خداوند جاندا اے۔ اوہناں دی میراث ہمیشہ لئی ہووے گی۔
- 19- اوہ آفت دے ویلے شرمندہ نہ ہوون گے تے کال دے دناں وچ خوش رہن گے۔
- 23- انسان دیاں عادتیاں خداوند ولوں قائم نہیں تے اوہ اوہدی راہ توں خوش اے۔
- 25- میں جوان سی تے ہن بڈھاواں فیروی میں صادق نوں بے کس تے اوہدی اولاد نوں ٹکڑے منگدے نہیں ویکھیا۔
- 28- کیوں جے خداوند انصاف نوں پسند کردا اے تے اپنے مقدرساں نوں ترک نہیں کردا۔ اوہ ہمیشہ لئی محفوظ نہیں۔ پر شریراں دی نسل وڈھدتی جاوے گی۔

29۔ صادق دھرتی دے وارث ہوون گے تے اوہدے وچ ہمیشہ لئی وسن گے۔

درسی وعظ

بائبل وچوں

1۔ خروج 20 باب 1، 17 آیتاں

1۔ تے رب نے ایہہ ساریاں گلاں اوہناں نوں دسیاں۔

17۔ توں اپنے گوانڈی دے گھر دالالچ نہ کریں۔ توں اپنے گوانڈی دی بڈھی دالالچ نہ کریں تے نہ اوہدے غلام دا تے نہ اوہدی لونڈی دا تے اوہدے ٹکے دا تے اوہدے کھوتے دا تے نہ اپنے گوانڈی دی کسے ہور شے دالالچ کریں۔

2۔ واعظ 5 باب 9، 7، 10، 12 توں 14 (توں:)، 18 توں 20 آیتاں

7۔ کیوں بے سفنیاں دی زیادتی تے بطالت تے گلاں دی کثرت نال ایخ ہندا اے پر توں رب کولوں ڈر۔

9۔ دھرتی دا حاصل ساریاں لئی اے بلکہ کاشتکاری نال بادشاہ داوی کم نکدا اے۔

10۔ زردوست روپے نال نہ رجے گاتے دولت چاہن والا اوہدے ودھن نال سیر نہ ہووے گا۔ ایہہ وی بطلان

اے۔

- 12- محنت کرن والے دی نیندر مٹھی اے بھانویں اور تھوڑا ای کھاوے پر دولت داوادھاد ولتمند نوں سون نئیں دیندا۔
- 13- اک وڈھی بلا اے جنہوں میں جگ وچ ویکھیا یعنی دولت جنہوں اوہد مالک اپنے نقصان لئی رکھ لیندا اے۔
- 14- تے اوہ مال کسے بھی سڑے حادثے وچ برباد ہندا اے۔
- 18- لو میں ویکھیا پئی ایہہ واوہ اے بلکہ خوش نما اے پئی بندہ کھاوے تے پیوے تے ساری محنت نال جیہڑی اوہ جگ وچ کردا اے اپنی ساری حیاتی جیہڑی رب نے اوہنوں دتی اے آرام کرے کیوں جے اوہدا بخرہ ایہہ ای اے۔
- 19- تے ہر اک بندہ جنہوں رب نے مال اسباب دتا اے تے اوہنوں توفیق دتی اے پئی اوہدے وچوں کھاوے تے اپنا بخرہ لووے تے اپنی محنت توں خوش رہووے۔ ایہہ تے رب دی دین اے۔
- 20- ایس لئی اوہ اپنی حیاتی دے دناں نوں بوہت یاد نہ کرے گا ایس لئی پئی رب اوہدے دل دی خوشی دے مطابق اوہدے نال سلوک کرے گا۔

### 3- اعمال 8 باب 5 توں 9، 11، 13 (توں:)، 14، 15، 17، 22، 24 آیتاں

- 5- تے فلپس سامریہ شہر وچ جا کے لوکاں وچ مسیح دی منادی کرن لگیا۔
- 6- تے جیہڑے معجزے فلپس وکھاؤند اسی لوکاں نے اوہ سن کے تے ویکھ کے اکٹھے اوہدیاں گلاں اُتے دل لایا۔
- 7- کیوں جے ہتھیرے لوکاں وچوں ناپاک روحواں بڑی آواز نال چلا چلا کے نکلیاں تے بوہت سارے مفلوج تے لنگڑے جنگلے کیتے گئے۔
- 8- تے اوس شہر وچ بوہت خوشی ہوئی۔
- 9- ایہدے توں پہلاں شمعون ناں دا اک بندہ اوس شہر وچ جادو ٹونا کردا ہندا اسی تے سامریہ دے لوکاں نوں حیران رکھدا اسی تے ایہہ آکھدا اسی پئی میں وی کوئی وڈھا ای بندہ واں۔

- 11- اوہ اوہدے ول ایس لئی دھیان کردے ہندے سی پئی اوہنے بوہت چرتوں اپنے جادو نال اوہناں نوں حیران کیتا ہوئیا سی۔
- 12- پر جدوں اوہناں نے فلپس دایقین کیتا جیہڑا رب دی بادشاہی تے یسوع مسیح دے نال دی خوشخبری دیندا سی تے سارے لوکی بھانویں کوئی بندہ تے بھانویں کوئی بڈھی پیتسمہ لین لگے۔
- 13- تے شمعون نے آپ وی یقین کیتا:
- 14- جدوں رسولوں نے جیہڑے یروشلیم وچ سی سنیا پئی سامریاں نے رب دا کلام قبول کر لیا تے پطرس تے یوحنا نوں اوہناں دے کول گھلیا۔
- 15- اوہناں نے جا کے اوہناں لئی دعا کیتی پئی پاک روح پان۔
- 17- فیر اوہناں نے اوہناں اُتے ہتھ دھرے تے اوہناں نے پاک روح پایا۔
- 18- جد شمعون نے دیکھیا پئی رسولوں دے ہتھ دھرن نال پاک روح دتا جاندا اے تے اوہناں دے کول روپے لیا کے۔
- 19- آکھیا پئی مینوں وی ایہہ اختیار دیو پئی جیدے اُتے میں ہتھ دھراں اوہ پاک روح پاوے۔
- 20- پطرس نے اوہنوں آکھیا تیرے روپے تیرے نال غرق ہوون۔ ایس لئی پئی توں رب دی دین نوں روپیاں نال حاصل کرن دا سوچیا۔
- 21- تیرا نہ تے ایس کم وچ کوئی حصہ اے نہ بخرہ کیوں جے تیرا دل رب دے نیسڑے خالص نئیں۔
- 22- ایس لئی اپنی ایس بدی توں توبہ کرتے خداوند توں دعا کر پئی شاید تیرے دل دے ایس خیال دی معافی ہو جاوے۔
- 24- شمعون نے جواب وچ آکھیا تسی میرے لئی خداوند توں دعا کرو پئی جیہڑیاں گلاں تسی آکھیاں اوہناں وچوں کوئی میرے نال نہ ہووے۔

## 4۔ 2 کرنتھیوں 10 باب 13، 15 (توں؛) 17، 18 آیتاں

- 13۔ پر اسی اندازے نالوں بوہتا فخر نہ کراں گے بلکہ او سے علاقے دے اندازے دے مطابق جیہڑا رب نے ساڈے لئی مقرر کیتا اے۔ جیدے وچ تسی وی آگئے او۔
- 15۔ تے اسی اندازے نالوں بوہتا یعنی دو جیاں دیاں مختاں اُتے فخر نہیں کردے۔
- 17۔ مطلب جیہڑا وی فخر کرے اوہ خداوند اُتے فخر کرے۔
- 18۔ جیہڑا اپنی نیک نامی دس دا اے اوہ مقبول نہیں بلکہ جنہوں خداوند نیک نام ٹھہرا اندا اے اوہ ای مقبول اے۔

## 5۔ 2 کرنتھیوں 9 باب 6 (وہ) توں 8 آیتاں

- 6۔ پر گل ایہہ اے پئی جیہڑا تھوڑا بیجے گا اور تھوڑا اوڈھے گا تے جیہڑا بوہتا بجد اے اوہ بوہتا اوڈھے گا۔
- 7۔ جنہاں کسے نے اپنے دل وچ مقرر کیتا اے اوہناں ای دیوے۔ نہ دریغ کر کے تے نہ لاچاری نال کیوں جے رب خوشی نال دین والے نوں پسند کردا اے۔
- 8۔ تے رب تہاڈے اُتے ہر طراں دا فضل کر سکدا اے تاں جو تہانوں ہر شے کافی ملیا کرے تے ہر نیک کم کرن لئی تہاڈے کول بوہت کجھ موجود رہیا کرے۔

## 6۔ عبرانیوں 13 باب 1، 2، 5، 6 (توں دو جی) 20، 21 آیتاں

- 1۔ بھرا بندی دا پیار قائم رہو وے۔

2- مسافر پروری توں غافل نہ رہو و کیوں جے ایہدے پاروں ای کجھ لوکاں نے بے خبری وچ فرشتیاں دی مہمان نوازی کیتی اے۔

5- زردی یاری توں خالی رہو و تے جو کجھ تہاڈے کول اے اوہدے اُتے قناعت کرو و کیوں جے اوہنے آپ آکھیا اے پئی میں تیتھوں دست بردار نہ ہونواں گاتے تینوں کدی نہ چھڈاں گا۔

6- ایس لئی اسی دلیری نال آکھدے آں پئی خداوند میرا مددگار اے۔

20- رب اطمینان دا چشمہ جیہڑا اوڈھے چرواہے یعنی ساڈے خداوند یسوع مسیح نوں ابدی عہد دے خون دے پاروں مردیاں وچوں جیوندہ کر کے چک لیا یا۔

21- تہانوں ہر نیک گل وچ کامل کرے تاں جو تہی اوہدی مرضی پوری کرو تے جو کجھ اوہدے نیسڑے پسندیدہ اے یسوع مسیح دے پاروں ساڈے وچ پیدا کرے جیدی تمجید ابد الابد ہندی رہوے۔

## سانس تے صحت

1- 31-11:60

صرف بلند لطف ای لافانی انسان دے نقوشاں نوں تسلی بخش بنا سکدے نیں۔ اسی ذاتی فہم دیاں حداں وچ خوشی نوں محدود نہیں کر سکدے۔ حواس کوئی اصلی لطف عطا نہیں کردے۔

انسانی ہمدردیاں وچ چنگلیائی نوں بریائی اُتے تے جانور اُتے روحانی نوں غلبہ پاؤنا چائیدا اے نئیں تے خوشی کدی فتح مند نئیں ہووے گی۔ اوس آسمانی حالت دا حصول ساڈی پیڑی نوں ترقی دیوے گا، جرم نوں تلف کرے گا تے امنگ نوں اُچے مقصد عنایت کرے گا۔ پاپ دی ہر وادی دا سر اُچا کرنا چائیدا اے تے خود غرضی دا ہر پہاڑ نیواں کرنا چائیدا اے، تاں جو سائنس وچ ساڈے رب دی راہ ہموار کیتی جاسکے۔

21-15:57 -2

خوبصورتی، دولت یا شہرت پیار دے تقاضیاں نوں پورا کرن لئی نااہل اے، تے ایہنوں کدی وی سیان، نیکی یا خوبی دے چنگے دعویاں دے مقابلے وچ نئیں تو لیا جانا چاہیدا۔ خوشی روحانی اے، سچائی تے پیار نال پیدا ہندی اے۔ ایہہ بے لوٹ اے، ایس لئی ایہہ کلی موجود نئیں ہو سکدی، بلکہ سارے انساناں نوں ایہدے وچ شریک ہوون دی لوڑ اے۔

21-14:181 -3

جے تسی سیان دی سائنس نال پیار کرن لئی بوہت مادی او تے اثراں دی بجائے چنگے لفظاں توں مطمئن او، جے تسی غلطی اُتے قائم او تے سچائی اُتے بھروسہ کرن توں ڈر دے او، تے فیر دوبارہ ایہہ سوال اٹھدا اے، ”آدم، توں کتھے ایس؟“ بیماراں نوں مطمئن کرن لئی سیان توں علاوہ کسے ہو رشتے دا سہارا لینا غیر ضروری اے پئی تسی اوہناں لئی کجھ کر رہے او، کیوں جے اوہ ٹھیک ہو جان تے اوہ عام طور تے جان دے نیں تے مطمئن نیں۔

”کیوں جے جتھے تیر اماں اے او تھے ای تیر اول وی لگیار ہووے گا۔“ جے تہاڈا سچائی توں بوہتا نشے اُتے یقین اے تے ایہہ ایمان تہانوں مادے تے غلطی ول لے جاوے گا۔ تسی جیہڑی وی ہنناٹک طاقت ورت سکدے او اوہ تہاڈی سائنسدان بن دی صلاحیت نوں گھٹ کر دیوے گی، یا ایہدے اُلٹ ہووے گا۔ بس الہی سیان دے راہیں بیماراں نوں

شفادین داکم، سچائی دے نال غلطی نوں دور کرن داکم اک مسیحی سائنسدان دے طور تے تہاڈی حالت نوں ظاہر کردا اے۔

رب دے مطالبے بس غور تے فکرتوں منت کردے نیں، پر موت دے دعوے، تے جنہاں نوں فطرت دے قانون آکھیا جاندا اے، مادے دے نال جڑے نیں۔ تے فیر اسی کنوں جائز تے اعلیٰ ترین انسانی بھلیائی پیدا کرن دی صلاحیت دے طور تے قبول کریئے؟ اسی بدن تے روح دونوں دی فرمانبرداری نیں کر سکدے، کیوں جے اک دو جے نوں بالکل مکا دیندا اے، تے پہلے یادو جے نوں بوہت زیادہ پیار ہونا چاہیدا اے۔ دو نظریاں نال کم کرنا ناممکن اے۔ جے اسی ایہہ کرن دی کوشش کراں گے تے اسی فی الحال ”اک نال ملے رہواں گے تے دو جے نوں حقیر سمجھاں گے۔“

4- 25-19:272

ایہہ مادی وجودیت دے ڈراؤ نے نقلی نتبیجاں دے مقابلے وچ خیالاں دی روحانیت تے روز مرہ دی مسیحیت پسندی اے؛ ایہہ نچلے رجحاناں تے ناپاکی تے شہوت پرستی دی زمینی کشش دے مقابلے پاکیزگی تے سچائی اے، جیہڑی اصل وچ مسیحی سائنس دالہی شروع تے کم دی تصدیق کردی اے۔

5- 27-4:445

سوچے سمجھے بغیر سیان دی شفا دی تعلیم دین، ایہی طالب علماں دے اخلاق نوں نظر انداز کرن، تے بس فیساں دا خیال کرن وچ بڑا خطرہ اے۔ غلامی دے بارے جیفرسن دے لفظاں نوں یاد کر دیاں ہوئے، ”میں کمب جاناواں جد میں ایہہ یاد کرداواں پئی رب انصاف پسند کرن والا اے“، لکھارن جد وی کسے بندے نوں دیکھدی اے، پیسے دی نکلی

بائبل دا ایہہ سبق پلین فیلڈ کرسچن چرچ، آزادولوں تیار ہویا اے۔ ایہہ کنگ جیمز بائبل ویاں آیتاں تے میری ٹیکر ایڈیٹی وی لکھی ہوئی کرسچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

سوچ لئی، ایہنوں ذہنی طاقت دے بارے ایہدے گھٹ علم دی تعلیم دیندیاں ہوئے، شاید اوہدے اپنے بھیڑے اخلاق دا اظہار کردیاں ہوئے، تے اتج کسے برادری دے نال بے رحمی کرن لئی اتج پیش آؤندے نیں جیدی امید نہ کیتی جاوے۔

6- 10-5:239

اوس دولت، مشہوری تے معاشرتی تنظیم نوں دور کردیے جنہاں دارب دی تکرپی وچ گکھ جنہاں وی بھار نیں اے، تے فیر ساہنوں اصول دے کھلے خیال ملدے نیں۔ گروہ بندی نوں توڑو، دولت نوں ایمانداری نال پدراہ کرو، قابلیت نوں عقل نال آزماؤ تے ساہنوں انساناں دے چنگے خیال ملدے نیں۔

7- 30-26، 18-14:296

مادے دیاں نال دیاں لذتاں تے پیڑاں نیست ہو جاندیاں نیں تے اوہناں نوں سچائی دے شعلے، روحانی سیان، تے ہستی دی اصلیت دے بیٹھاں ٹرنا پو وے گا۔ فانی عقیدے نوں پاپ تے غلطی توں چھٹکارہ پان لئی اوہناں وچ پائے جان والے سکون نوں مکاؤ ناپے گا۔

فانی سیان مادی حساں دی گواہی دا فیصلہ کردی اے، ایہتھے تیکر پئی سائنس ایس جھوٹی گواہی نوں مٹا دیندی اے۔ اک چنگا عقیدہ غلطی وچوں نکلیا ہو یا پہلا قدم اے، تے اگلا قدم چلن تے کر سچن سائنس دی حالت نوں سمجھن وچ مدد کردا اے۔

## 8- 28-20:62

جے اسی عقلمند تے صحتمند آں تے ساہنوں ایہہ ذہانت مادے دے نال بوہتی توں بوہتی نہیں بلکہ گھٹ توں گھٹ منسوب کرنی چاہیدی اے۔ الہی سیان، جیہڑی ڈوڈی نوں بناؤندی تے کھڑاؤندی اے، انسان دے بدن دی حفاظت کرے گی، جیویں اوہ سوسن دے بوٹیاں نوں کپڑے پاؤندا اے۔؛ پر کسے بندے نوں غلطی دے قانوناں، انسان دے خیالاں نوں زبردستی وچ واڑھدیاں ہوئے رب دی حکومت دی مخالفت نہ کرن دیو۔

انسان دی اچی فطرت کمتر دی حکمرانی بیٹھاں نہیں ہندی؛ جے اتیخ ہندا، تے سیان دی ترتیب ٹھھی ہو جاندی۔

## 9- 20-6:407

انسان دی بوہت ہمدردی، خود غرضی، حسد، نفرت تے بدلے ورگے بے رحم مالکاں دے ہتھوں غلامی نوں بس اک مضبوط کوشش نال ای فتح کیتا جاند اے۔ دیر داہر ویلہ ایس کوشش نوں ہور تیز کر دیندا اے۔ جے انسان ایہناں احساساں اُتے فتح نہیں پاؤندا، تے اوہ خوشی، صحت تے مردانگی نوں کچل دیندے نیں۔ ایہتھے انسانی سیان دی کمزوری نوں طاقت دیندیاں ہوئے، یعنی اوہ طاقت جیہڑی لافانی تے قادر مطلق سیان توں ملدی اے، تے انسانیت نوں پاک ترین تانبگاں وچ، ایہتھے تیکر پئی روحانی طاقت تے انسان لئی خیر سگالی وچ وی، اپنے آپ توں اوچا درجہ دیندیاں ہوئے کر سچن سائنس خود مختار اکسیر اعظم اے۔

## 10- 30-24:265

آسمانی چنگیائی دے بعد سکون حاصل ہندا اے ایتھوں تیکر پئی ایس توں پہلاں پئی اسی اوہ دریافت کردے جیہڑا سیان تے  
 محبت دے نال تعلق رکھدا اے۔ زمینی آساں تے خوشیاں دا نقصان بوہت دلاں دی چڑھن والی راہ روشن کردی  
 اے۔ فہم دیاں تکلیفاں ساہنوں دسدیاں نیں پئی ادراک دیاں خوشیاں فانی نیں تے اوہ خوشی روحانی اے۔

11- 16-11:66

روحانی ترقی مادی امیدیاں دی مٹی وچ پیدا ہون والے بیج توں نمونئیں پاؤندی، بلکہ جدوں ایہہ فنا ہو جاؤندے  
 نیں، پیار نوے سرے توں روح دیاں اُچیاں خوشیاں نوں پروان چڑھاؤندا اے، جیدے اُتے دھرتی دا کوئی داغ  
 نہیں ہندا۔ تجربے داہر کامیاب مرحلہ الہی چنگیائی تے پیار دے نوے نظریاں نوں کھولدا اے۔

12- 3-2:60

سائنس حتمی طور تے ہم آہنگی تے خوشی دے پیمانے وچ کسے دے ہوون نوں اُچا کردی اے۔

## روزانہ دے فرض

میری بیکرا ایڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔